



Na osnovu člana 15. Statuta Udruženja doktora porodične/obiteljske medicine, Skupština Udruženja doktora porodične/obiteljske medicine na sjednici održanoj dana 14.05.2017. godine donosi:

**PRAVILNIK
O FINANSIRANJU UČEŠĆA PREDSTAVNIKA UDRUŽENJA
DOKTORA PORODIČNE/OBITELJSKE MEDICINE NA
DOMAĆIM I MEĐUNARODNIM SKUPOVIMA**

Član 1.

Ovim Pravilnikom se propisuju definicije, korištenje finansijskih sredstava i druga pitanja vezana za učešće predstavnika Udruženja doktora porodične/obiteljske medicine (u daljem tekstu „Udruženje“) na domaćim i međunarodnim skupovima i/ili organizacijama (u daljem tekstu “učešće predstavnika”).

U smislu ovog Pravilnika predstavnik Udruženja je:

- član Udruženja kojeg je Odlukom potvrdila Skupština Udruženja, na prijedlog Upravnog odbora Udruženja, za svog predstavnika u nekoj domaćoj i/ili međunarodnoj organizaciji.

U smislu ovog Pravilnika domaći ili međunarodni skup/organizacija je:

- skup i/ili organizacija od značaja za razvoj, promociju i dobrobit Udruženja.

U smislu ovog Pravilnika učešće predstavnika Udruženja je:

- finansijska potpora odlaska predstavnika na domaće i/ili međunarodne skupove koja se može odnositi na potpuno i/ili djelomično plaćanje troškova avio karte, kotizacije, smjestaja i dnevnica.

Član 2.

Udruženje neće finansirati učešće predstavnika na:

- političkim, stranačkim i vjerskim skupovima,
- organizacijama koje podupiru rasnu, nacionalnu, etničku, vjersku, spolnu, manjinsku ili bilo koju drugu diskriminaciju,
- događajima koja su uredljiva za javni moral, medicinsku etiku, dignitet i integritet ljekarske profesije.

Član 3.

Upravni odbor Udruženja biti će zadužen za donošenje odluke o finansiranju učešća predstavnika Udruženja na domaćim i/ili međunarodnim skupovima/organizacijama.

Član 4.

Upravni odbor Udruženja ne može donijeti odluku o finansiranju ukoliko bi ta odluka dovela u pitanje finansiranje, rad i aktivnost Udruženja ili bi nanijela materijalnu, moralnu ili bilo kakvu drugu štetu Udruženju.

Upravni odbor Udruženja donosi posebnu Odluku o maksimalnom godišnjem izdvajanju za navedenu namjenu, te posebnu Odluku o pojedinačnom maksimalnom iznosu finansiranja učešća predstavnika Udruženja na domaćim i/ili međunarodnim skupovima/organizacija za svaku godinu.

Član 5.

Upravni odbor Udruženja je dužan voditi evidencije o dodjeli sredstava mogućim korisnicima koji podnesu zahtjev.

Član 6.

Upravni odbor Udruženja vrši ocjenu zahtjeva za finansiranje učešća predstavnika Udruženja na domaćim i/ili međunarodnim skupovima/organizacijama na osnovu Zahtjeva imenovanog predstavnika.

Procedure provjere i procjene opravdanosti Zahtjeva vršit će se za svaki zahtjev pojedinačno.

Upravni odbor Udruženja donosi Odluku o opravdanosti i visini sredstava koja se dodjeljuju na osnovu svakog pojedinog zahtjeva te prihvatanja ili ne prihvatanja zahtjeva za finansiranje.

Član 7.

Zahtjev za finansiranje mora biti podnesen Upravnom odboru Udruženja najmanje 30 (trideset) dana prije početka aktivnosti tražene zahtjevom.

Član 8.

Zahtjev za finansiranje učešća predstavnika Udruženja na domaćim i/ili međunarodnim skupovima/organizacijama mora sadržavati slijedeće:

- a) ime i prezime predstavnika Udruženja,
- b) naziv skupa,
- c) vremenski period trajanja skupa,
- d) službeni poziv,
- e) naziv troškova za čije finansiranje se podnosi zahtjev.

Upravni odbor će sačiniti uniforman Obrazac za podnošenje zahtjeva.

Član 9.

Upravni odbor Udruženja je dužan izvijestiti Skupštinu Udruženja jednom godišnje o dodjeli sredstava za finansiranje.

Član 10.

Ukoliko Upravni odbor Udruženje odobri sredstva za finansiranjem učešća predstavnika, isplata se vrši u roku od najmanje 15 dana od dana donošenja odluke po pozitivnoj zakonskoj proceduri, putem računa otvorenog kod komercijalnih banaka registrovanih u Bosni i Hercegovini.

Član 11.

Ukoliko mogući korisnik sredstava Udruženja koji podnese zahtjev za finansiranje, bude odbijen od strane Upravnog odbora Udruženja, isti može podnijeti pismenu žalbu Skupštini Udruženja u roku od 15 dana od dana primitka pismene obavijesti o odbijanju njegova Zahtjeva.

Član 12.

Skupština odlučuje o žalbama u svojoj redovnoj proceduri i odluka Skupštine Udruženja o ovim zahtjevima je konačna.

Član 13.

Udruženje nije, na osnovu ovog Pravilnika, obavezno finansirati učešća predstavnika Udruženja na domaćim i/ili međunarodnim skupovima/organizacijama.

Član 14.

Ovaj Pravilnik stupa na snagu danom donošenja.

Predsjednik Skupštine Udruženja

Prim dr med sci Melida Hasanagić